

ՀԱՐԱԴՐՈՒԹՅՈՒՆՆԵՐԻ ԴՈՐԾԱԾՈՒԹՅՈՒՆԸ ԵՋՆԻԿ ԿՈՂՐԱՑՈՒ  
«ԵՂԾ ԱՂԱՆԴՈՑ» ԵՐԿՈՒՄ

ԳԵՎՈՐԳ ԹՈՍՈՒՆՅԱՆ

Հինգերորդ դարի հայ մեծ մտածող-փիլիսոփա Եզնիկ Կողբացու «Եղծ աղանդոց» երկը աչքի է ընկնում ոչ միայն փիլիսոփայական, այլև լեզվական տեսակետից: Հայտնի է, որ Եզնիկի լեզուն իր կանոնավորությամբ ու գեղեցկությամբ առանձնանում է ոչ միայն հոգասական, այլև դասական շրջանի մյուս երկերի (ինքնուրույն և թարգմանական) լեզուներից: Լեզվական տեսակետից գրաբարի դասական շրջանի մատենագրության հիմնական առանձնահատկությունն այն է, որ այդ փուլում գրական և խոսակցական լեզուները հիմնականում համընկնում էին<sup>1</sup>: Դա ամենից շատ վերաբերում է Եզնիկ Կողբացու լեզվին: Հետագայում դրական և խոսակցական լեզուների միջև եղած տարբերությունները գնալով խորանում են:

Եզնիկի և նրա երկի մասին շատ է գրվել<sup>2</sup>: Սույն հոդվածում մենք կանդրադառնանք նրա երկի լեզվական մի կողմին՝ հարադրությունների զործանությանը:

Հայտնի է, որ հարադրությունը պետք է կազմված լինի երկու և ավելի բաղադրիչներից, որոնք, գրվելով իրարից անջատ, միասին արտահայտեն մեկ ամբողջական իմաստ: Հարադրությունների շատ ենք հանդիպում ինչպես դասական, այնպես էլ հոգասական գրաբար մատենագրության մեջ: Եզնիկ Կողբացու «Եղծ աղանդոց» երկում գործածվել են շուրջ հինգ հարյուր հարադրություններ, որոնք կազմվել են տարբեր կաղապարներով և պատկանում են տարբեր խոսքի մասերի՝ բայեր, մակբայներ, գոյականներ, ածականներ, թվականներ, նախադրություններ, շաղկապներ և եղանակավորող բառեր: Ըստ որում, ինչպես մյուս մատենագիրների մոտ, այնպես էլ Եզնիկի երկում բայական հարադրությունները գերակշռում են: Հարադրական կառույցների գրեթե կեսը բայեր են: Ստորև կքննենք հարադրությունների տեսակներն ըստ խոսքիմասային պատկանելության:

Բայական հարադրությունների քանակը հասնում է 250-ի: Դրանց բաղադրիչները (կամ դրանցից մեկը) բայեր են, և ամբողջ կառույցը արտա-

<sup>1</sup> Հ. Աճառյան, Հայոց լեզվի պատմություն, մաս 2, Երևան, 1951, էջ 101, Գ. Զա-հուկյան, Հայոց լեզվի զարգացման փուլերը, Երևան, 1964, էջ 35:

<sup>2</sup> Մ. Արեղյան, Հայոց հին գրականության պատմություն, գիրք 1-ին, Երևան, 1944, էջ 126—149, Բ. Կ. Վալոյա, К вопросу об учении Езника Кохбацци, армянского философа V века, Ереван, 1940, Հ. Աճառյան, Հայոց լեզվի պատմություն, մաս 2, էջ 76—79, Եզնիկ Կողբացի, Եղծ աղանդոց, թարգմանությունը, ներածությունը և ծանոթագրությունները Ա. Ա. Արրահամյանի, Երևան, 1970 և այլն:

հայտում է գործողության կամ եղելության իմաստ: Եզնիկի երկում որպես հարադրությունների գործուն բաղադրիչներ հանդես են եկել հետևյալ բայերը՝ ածել, անկանել, առնել, առնու, արկանել, բառնալ, բերել, գալ, գործել, դառնալ, դնել, ելանել, երթալ, ընթանալ, ընկենու, բոթափել, լինել, կալ, հանել, հասանել, հարկանել, մատուցանել, մտանել, յարձակել, ունել, պակասել, պահանջել, տալ, տանել:

Ինչպես գրաբարում առհասարակ, այնպես էլ «Եղծ աղանդոցում» մասնավորապես, որպես հարադրությունների բաղադրիչ ամենից բարձր հաճախականություն ունեն առնել, առնու, արկանել, դնել, լինել, տալ բայերը<sup>3</sup>:

Առնել-ը հարադրություններ է կազմել ազդ, անհոգ, ամօթ, աշխատ, ապաստան, արժանի, զանց, թափուր, խնդիր, խրատ, յայտ, յայտնի, յաշտ, ուշ, պատասխանի, սուտ, վնաս, տեղագրած բաղադրիչներով, որոնցից էլ ամենից շատ գործածվել են յաշտ և յայտ բաղադրիչները:

Յաշտ առնել նշանակում է «զոհել, զոհ մատուցել, մորթել»: Դրան իմաստով մոտ է յազեմ համադրական բայը<sup>4</sup>: Եզնիկը յաշտ առնել-ը գործածել է 30, իսկ յազեմ-ը՝ 5 անգամ: Օրինակ՝ «Բնաւ զի՞նչ իսկ յազէր, զի առնասունք չև ևս էին արարեալ» (էջ 119)<sup>5</sup>: «Զրուան... զհազար ամ յաշտ արար» (էջ 113):

Իմաստային որոշ նրբերանգներով համանիշներ են յայտնել և յայտ առնել բայերը, որոնցից առաջինը գործածվել է 16, իսկ երկրորդը՝ 26 անգամ: Ինչպես՝ «Ծանուցեալ Որմզդի զխորհուրդս հօրն՝ յայտնեաց Արհմենին» (էջ 114): «Եւ յայտ արար՝ թէ յիրոց կամաց եղև այնպիսի Եսաւ» (էջ 173):

Լինել բայը հարադրվել է երկու տասնյակից ավելի բաղադրիչների, որոնք պատկանում են տարբեր խոսքի մասերի: Դրանք են՝ ազգ, այրընտիր, ապաշաւ, արժանի, (յ)ամօթ, բաւական, գեր ի վերոյ, գեղջ, խելամուտ, խնդիր, հետամուտ, մեղադիր, յանդիման, ուրախ, կարող, չունկնդիր, սկիզբն, վնաս և այլն:

Երբեմն հանդիպում ենք միայն հարադրավոր կազմության բայերի կիրառության, ինչպես, օրինակ՝ ապաշաւ լինել (Եզնիկի մոտ ապաշաւեմ չկա):

«Զինն հազար ամն զեղջ և ապաշաւ լինիցի» (էջ 172), այրընտիր լինել (կտրիճները հավաքել), գեղջ լինել (զղջալ), չունկնդիր լինել (չհնազանդվել), յանդիման լինել (հանդիպել, տեսնվել) և այլն:

Դասական շրջանի ինքնուրույն մատենագրության մեջ պատասխանել համադրական բայը բոլորովին չի հանդիպում: Դրան մեկ անգամ հանդիպում ենք Աստվածաշնչում. «Ո՞վ է աստիճան իմ որ պատասխանեցէ» (Յովբ., գլ. ԺԳ): Ինչպես մյուս երկերում, այնպես էլ «Եղծ աղանդոցում» լայն գործածություն ունեն դրան համանիշ պատասխանի առնել և պատասխանի տամ հարադրությունները: Ըստ որում, Եզնիկը առնել-ը հարադրության կազմում

3 Հմմտ. Ա. Մարգարյան, Հայերենի հարադիր բայերը, Երևան, 1966, էջ 83:

4 Ըստ մոգական օրենքի՝ զոհաբերվող անասունին զանազան արարողություններով կամ շարժարաններով նախ անզգայացնում էին, որը յազել-ն էր, և ապա մորթում (տե՛ս «Նոր բառգիրք հայկազգան լեզուի», հ. 2, Վենետիկ, 1837, էջ 313, Եզնիկի Կողբացի, Եղծ աղանդոց, էջ 239, ծան. 402):

5 Բնագրային օրինակները վենետիկյան 1826 թ. հրատարակությունից են:

չորս անգամ գործածել է նախադաս, մեկ անգամ՝ հտադաս: Օրինակ՝ «Որք ըստ անարժան անմտութեանն՝ և ոչ պատասխանի առնելոյ արժանի են» (էջ 228): «Հարկ է տալ պատասխանի, և ցուցանել» (էջ 116):

Հրաման տամ հարադրությունը Եղնիկը գործածել է միայն նշված շարահասությունամբ. ինչպես՝ «Չէ պարտ ոչ թագաւորաց մահու հրաման տալ, և ոչ դատաւորաց քերել և սպանանել զմարդասպանն» (էջ 162): Մյուս մատենագիրների մոտ նման օրինաչափություն գոյություն չունի. այսպես, օրինակ՝ Իովանդը տամ-ը հտադաս շարահասությամբ գործածել է 40, իսկ նախադաս՝ 44 անգամ, Ագաթանգեղոսը համապատասխանաբար՝ 21 և 18 անգամ:

Ինչպես ցույց են տալիս վերոբերյալ օրինակները, բայական հարադրությունների կազմում որպես հարադիր հանդես են գալիս տարբեր խոսքի մասեր, բայց ամենից շատ գոյականներ: Եղնիկի երկում որպես բայական հարադրության բաղադրիչ գործածվել են ութսուներեք գոյականներ: Դրանք են՝ ազդ, ակաստան, ակն, ակնարկություն, ահ, աղակատանք, աղօթք, առն, առնու, աշխարհ, աչք, ապաշխարություն, ապաստան, արբանեկություն, արեգակն, արգել, արև, արար, բաժ, բակ, բայոց, բուռն, գան, գին, գուն, դատ, դարձ, երեսփ, երկիր, երկիւղ, երկրպագություն, զոջումն, ընտելություն, թուություն, ինչք, իշխանություն, իրատունք, խաչ, խաւար, խեղդ, խնդիր, խրատ, ծնունդ, կեանք, համար, համբոյր, հարկ, հնար, հոգի, հրաման, ձեռն, ման, մեղ(ք), միտ(ք), յաշտ, նշան, ոգի, ողոր, ոտն, ունչ, ուշ, շափ, պաշտօն, պատասխանի, պատիժ, պատուէր, պատուհաս, պէտք, ջատագով, սիրտ, սկիզբն, սպասաւորություն, վարձ, վնաս, վրէժ, տեղի, փաշաման, փող, ֆաղ, ֆարշ, ֆծիմք, ֆնին, օհանք, քառասուներեք ածականներ՝ ագատ, ազգի, այրընտիր, աննոց, աշխատ, ապահով, արժանի, բաւական, բաւանդակ, գար, երկայնամիտ, ընդդէմ, թոյլ, լուսատու, լսելի, խելամուտ, կարող(օղ), կենակից, կերպարանակից, կոխան, հալածական, հակառակ, հանգիստ, հետամուտ, հմուտ, հնազանդ, հուպ, մանապարտ, մասնմուտ, մեղադիր, յայտ, յայտնի, յանդիման, յառաջադէմ, ունկնդիր, ուրախ, չար, չունկնդիր, պատսպարան, սուտ, տարագիր, տեղագրած, փախստական, տասնվեց մակբայներ՝ առաջի, գեր ի վերայ, զկնի, զհետ, ի բաց, ի դէպ, ի մէջ, ի միջի, ի միջոյ, ի ներքս, ի վայր, ի վեր, ի վերայ, մօտ, յետս, շուրջ, երկու դերանուն՝ ինքն, միմեանց, և անկանել (անկեալ դնիմ), գալ (ի լինել և ի գոյանալ գալ) բայերը:

Բայական հարադրությունների քննությունը ցույց է տալիս, որ դրանց կազմում ակտիվ դեր են խաղում ի, ընդ, զ նախդիրները: Ընդ որում, ավելի հաճախ հանդիպում է ի-ն. այսպես՝ թեք հոլովածների հետ այն գործածվել է 26, իսկ մակբայական կառույցներում (ի բաց, ի մէջ, ի վերայ և այլն)՝ 18 անգամ: Օրինակ՝ «Այլ յուղզոյն անանալոյ՝ և ի մտաց իսկ անկանի մարդ»:

6 Վիճակագրական տվյալները բերում ենք հետևյալ մատենագիրների համաբարբառներից. «Յեղնիկայ Կողբացույ Բագրեանգայ հպիսկոպոսի Եղծ աղանդոց» (բնագրային, համաբարբառ), Երևան, 1972, Ագաթանգեղոս, Պատմութիւն Հայոց (բնագրային), գիրք 2-րդ, Երևան, 1973, «Փառաւորոսի Բուղանգացույ Պատմութիւն Հայոց» (Բնագրային), գիրք 2-րդ, Երևան, 1976:

7 Առհասարակ որպես հարադիր գործածվում են ինչպես գոյականների, այնպես էլ մյուս հոլովվող բառերի զանազան հոլովածները:

(էջ 180): «Լուսին... շանայ յիւրմէ զխոնաւութիւնն ի բաց պարգել» (էջ 186), «Մեք զցաւոց և զմահուն բազում ինչ պատճառս ունիմք ճշմարիտ բանիւ ի մէջ բերել» (էջ 71): «Վասն այս երկուց պատճառանաց ընդ մանուկս աւանդեցի» (էջ 75): «Խեղդ ընդ անձն անկեալ՝ ձգեն զնոսա ի խորխորատ» (էջ 116): «Ոչ ինքեանք զիմանալի ինչ գմտաւ կարացին ածել» (էջ 227): «Զանի հարեսպ Սղամայ՝ սկսաւ տակաւ զանձն մեկնել ի հիւղեայն» (էջ 245):

Եզնիկը մեծ թվով բայական հարադրութիւններ կազմել է լինել բայով. *ինչպես՝* աղդ լինել, այրընտիւր լինել, ապաշաւ լինել, արժանի լինել, բաւական լինել, զեղջ լինել, լուսատու լինել, կարող(ող) լինել, խելամուտ լինել, հետամուտ լինել, մեղադիր լինել, յամօթ լինել, յանդիման լինել, ռեկնդիր լինել, ռուախ լինել, շունկնդիր լինել, տարագիր լինել և այլն: Կան հարադրութիւններ *ել*, որոնք *տանն* կրկնակի հարադրիւններ. *ինչպես՝* գեղջ եւ ապաշաւ լինել, սկիզբն առնուլ լինելոյ, գալ ի ծնունդս եւ յաճումն, գալ ի շաքի հասակի և այլն:

«Ապահով լինել» իմաստը եզնիկի մոտ արտահայտված է կալ յակասուանի և յապահովի կալ դարձվածքների միջոցով: Օրինակ՝ «Եթե այնպիսի զարհուրեցուցիչ չէին՝ ո՞րչափ ևս առասել չկայր երբէք յակասուանի» (էջ 63): «Նախ քան զընտրելն և զգալն զվտանգս շարեաց՝ յապահովի կայր» (էջ 31):

Կան հասկացութիւններ էլ, որոնք արտահայտվում են *և՛* համադրութեամբ, *և՛* հարադրութեամբ (կամ հարադրութիւններով). *ինչպես՝* աղօթես, որը գործածված է 6 անգամ<sup>8</sup>, յաղօթս կամ, մատուցանեմ աղօթս<sup>9</sup>: «Յորժամ աղօթես՝ ընտրեալ զխորհուրդդ» (էջ 304): «Զորմէ և Դաւիթ ի Հոգւոյն սրբոյ ուսեալ, մատուցանէր աղօթս» (էջ 229):

Եզնիկի երկում լայն գործածութիւն ունեն միադիմի բայերը. *ինչպես՝* անգ է, անկ է, արժան է, հաճոյ է, հարկ լինի, հարկ է, մարթ է, շան է, պիտոյ է, պատշան է և այլն, որոնք բայական իմաստ արտահայտող յորահատուկ կապակցութիւններ են՝ կազմված որեւէ խոսքի մասից և եմ կամ լինիմ բայերի երրորդ դեմքից: Օրինակ՝ «Առ հասարակ արժան էր մեզ և վայելել ի նմա» (էջ 257): «Բայց մեզ հարկ եղեւ... միւսի ի խնդիր ճառիցս» (էջ 22): «Զէր մարթ անմարմնոցն ընդ կանայս մարմնաւորս ամուսնանալ» (էջ 100):

«Եղծ աղանդոցում» հարագիր բայերից հետո գործածութեան հաճախականութեամբ աչքի են ընկնում մակբայական հարադրութիւնները, որոնց քանակը հասնում է ութսունվեցի: Դրանց բաղադրիչները տարբեր խոսքի մասեր են. *ինչպես*, *օրինակ՝* գոյական՝ ամսոյ ամսոյ, ատուր ատուր, երամ երամ, գունդս առ գունդս, բերան ի բերան, ընդ ժամանակս ժամանակս, ի բնէ, ի ծնէ, ի հարկէ, ի մէջ, ի միջի, ի միջոյ, տիւ և գիշեր, առ ձեռն, առ երես, ար. ոտս, առ ժամանակ մի և այլն, *ածական՝* այլ ընդ այլոյ, ի բաց, ի գուր, ի միասին. ընդ հանուր, փոքր ի շատէ և այլն, *դերանուն՝* գոր. օրինակ, յայնմ հետէ, *թվական՝* ի մի, մի մի, մի անգամ, միոյ միոյ, *մակբայ՝* առ յապայ, առ սակաւ, ետ ընդ ետ, ի գլխովին, ամենեւին իսկ, բնաւ իսկ և այլն: *Ինչպես* ցույց են տալիս բերված օրինակները, մակբայական հարադրութիւնները

<sup>8</sup> Վեցն էլ՝ եզնիկին վերագրվող «հրատարում» (սեղնակայ Կողբաքուն Բագրեվանդայն Եպիսկոպոսի Եղծ աղանդոց», Վենետիկ, 1826, էջ 299—313):

<sup>9</sup> Կորյունը գործածել է զաղօթս առնեմ (սվարթ Մաշտոցի», Երևան, 1941, էջ 82), իսկ Բուզանդը՝ աղօթս առնեմ (Պատմութիւն Հայոց», Ս. Պետերբուրգ, 1883, էջ 68) ձևով:

կաղմվում են տարբեր սկզբունքներով. տվյալ խոսքի մասի կրկնությունը՝ սովորաբար ամօսյ, ամօսյ, ամօսյ ամօսյ. միոյ միոյ, մանր մանր, որևէ խոսքի մասի և նախորդի դուգորդությունը՝ գունդս առ գունդս, բերան ի բերան, ի բնէ, ի ծնէ, ի բաց, ի գուր, յայնմ հետէ, ետ ընդ ետ և այլն, որոնց մեծ մասը առանձին հոլովածներ են. հայցական՝ առ երես, առ ձեռն, առ ոտս, բացառական՝ ի բնէ, ի ծնէ, ի վերուստ և այլն: Օրինակ՝ «Յորս են ազդմունք ինչ բնականք՝ որովք հանդերձելոց իրիք իրաց ազդ լինիցի նոցա. որպէս... աղանեաց՝ համագունդ երամ երամ խաղալոյ» (էջ 174): «Ոչ անսայր նմա Ադամ, այլ խորհեալ ի բաց մերժէր» (էջ 245): «Ձի ամենայն որ արտաքոյ քան զնա աստուած անուանի, չէ նա ի բնէ աստուած» (էջ 270): «Մարմինք մահկանացուք ընդ ոգոցն կենդանեաց վասն է՞ր մկրտիցին» (էջ 293):

Անգամ բաղադրիչով կազմվել են մի քանի հարադրություններ. ինչպես՝ Բագում անգամ, երկրորդ անգամ, մի անգամ, միս անգամ: Ըստ որում, «կերկին, նորից, դարձյալ» իմաստներն արտահայտվում են դարձեալ համադրական (այն գործածվել է 75 անգամ) և երկրորդ անգամ (գործածվել է 3 անգամ), միս անգամ (3 անգամ) հարադրական կառուցվածքի մակրայններով: Օրինակ՝ «Խառնեալ առ այսպիսի ճշմարիտ ասացածս անպատշաճ հարցուածս մատուցանեն» (էջ 18): «Ապա երկրորդ անգամ իջեալ Յեսու կերպարանօք աստուածութեան իւրոյ առ տէրն արարածոց, ղնէր դատ ընդ նմա վասն մահուն իւրոյ» (էջ 248): «Յորժամ միս անգամ հանդիպի, ծագէ ի նմա սակաւիկ ինչ ի լուսոյն» (էջ 201):

«Ծղծ աղանդոցում» գործածված հարադրությունների հաջորդ տեսակը անվանական հարադրություններն են, որոնց քանակը հասնում է վեց տասնյակի: Դրանք կազմված են երկու կամ ավելի գոյական անուններից, կամ գոյականից ու այլ խոսքի մասից և բարդության մեջ արտահայտում են անվանական նոր ընդհանուր իմաստ: Այսպես՝ ագդեցութիւն բնական||ազդումն բնական—բնագդ, գիրք սուրբ||սուրբ գիրք||աստուածական գիրք||Աստուածատուր գիրք||աստուածեղէն գիրք||Հին եւ նոր կտակարան—Աստվածաշունչ. դեղ մահու—թույն և այլն: Ինչպես ցույց են տալիս բերված օրինակները, նշանակը նույն հասկացության համար երբեմն օգտագործում է մի քանի համանիշ հարադրություններ. այսպես, օրինակ՝ Աստվածաշնչի համար գործածել է շուրջ մեկ տասնյակ, իսկ աստծու համար՝ շուրջ մեկուկես տասնյակ տարբեր հարադրություններ: Նրա երկում աստված նշանակող հարադրություններն են՝ առաջին մարդ, արարիչ աշխարհի, Հոգի Աստուծոյ, Հոգին սուրբ, հիշմարիտ գառն, Որդի Աստուծոյ, որդի բարձրելոյ, Տէր ամենակալ, Տէր ամենայնի, Տէր Աստուած, Տէր Յիսուս, Աստուած օրինաց և այլն: Ըստ խոսքի մասային պատկանելության՝ անվանական հարադրությունների բաղադրիչները գոյականներն են (Բանն Աստուած, դեղ մահու), գոյական ու ածական (աստուածական բարբառ, արարիչ աշխարհի), թվական ու գոյական (չորեքին շնորհիւն, չորս բնութիւն, չորս հիւք, չորս տարեք)<sup>10</sup>. և այլն: Օրինակ՝ «Եւ այս ամենայն ագդեցութիւն բնականն են յանասունսն» (էջ 175): «Քանզի

<sup>10</sup> Դրանք բնության շուրջ տարբերի՝ հողի, ջրի, օդի, հրի անվանումներն են (Ա. Ա. Աբրահամյան, Եզնիկ Կողբացու տեղմինարանության մասին, «Պատմա-բանասիրական հանդես», 1973, № 3, էջ 71):

որ մարմնաւոր է՝ ի շորից հիւթից յօդեալ է» (էջ 91): «Ձորեփին բնութիւնքն... առանձինն՝ ապականիչք են» (էջ 10):

Եղնիկի երկում բավական շատ են հարադրական կազմութեամբ շաղկապները, որոնց թիվը հասնում է երեսունվեցի: Դրանք են՝ այլ և, այլ ևս, այնու զի, այս ինքն, ապա եթէ, ապա թէ, ապա թէ ոչ, ապա ուրեմն, բայց եթէ, բայց թէ, բայց միայն, եթէ ոչ, եւ արդ, թէ եւ, թէպէտ եւ, թող թէ, իբրեւ թէ, իսկ արդ, իսկ եթէ, իսկ թէ, իցէ թե, մանաւանդ զի, մանաւանդ թէ, մինչ զի, մինչ չեւ, նա եւ, ոչ եթէ, ոչ եւս, ոչ թէ, ոչ միայն, որպես զի, որպէս թէ, ուստի եւ, վասն զի, փոխանակ զի, քան թէ: Դրանց միջոցով շաղկապվում են ինչպես պարզ, այնպես էլ բարդ նախադասութիւնները: Հստ որում, դրանք գործածվում են և՛ բարդ համադասական, և՛ բարդ ստորադասական նախադասութիւնների կազմում: Օրինակ՝ «Եւ մանաւանդ զի առանց արթերն ասէ որ է՝ ն» (էջ 261): «Զէ պատճառ շարեաց Աստուած՝ այնու զի առ ընթեր նմա զհիւզն դնեն» (էջ 25): «Զի լաւ համարի թէ վասն անուան բարիոք մեռանիցին, քան թէ կենդանի կայցեն և վատանուն լինիցին» (էջ 57): Գրաբարում եւ արդ և իսկ արդ հարադրական շաղկապներով սովորաբար սկսվում են պարբերութիւնները: Այդպես է նաև Եղնիկի մոտ: Օրինակ՝ «Եւ արդ զո՞ր ինչ յարարածոցն բարի կարծիցին, կամ զո՞ր չար» (էջ 10): «Իսկ արդ եթէ ոչ էր անարար, ասեն, ըստ ձեզ սատանայ... գիտէ՞ր Աստուած» (էջ 54):

Վերոհիշյալ շաղկապներից մի քանիսն ունեն զուգադիր գործածութիւն. այսպես՝ ոչ||այլ և, ոչ միայն||այլ և, ոչ||բայց միայն, ոչ||եթէ ոչ, թէ և||ապա-  
քէն, թէպէտ և||այլ, ոչ||թող թէ, իսկ եթէ||ապա, ոչ եթէ||այլ, ոչ միայն||այլ և այլն: Օրինակ՝ «Եւ ո՛չ միայն յանասունսն են բնական ազդեցութիւնք, այլ և ի մարդկան» (էջ 175): «Զոր թէպէտ և ի մեր լեզու՝ այս չար ասեմք... այլ գիտեմք՝ եթէ այսն հողմ է» (էջ 92): «Այլ թէ և բախտ ևս էր... Զրուանն, ապա-  
քէն ուրուք բախտ էր» (էջ 131): Իսկ մյուս շաղկապները, ինչպես՝ այնու զի, ապա ուրեմն, եւ արդ, իսկ արդ, մանաւանդ զի, մանաւանդ թէ, որպէս զի, որպէս թէ, ուստի եւ զուգադիր կիրառութիւն չունեն: Օրինակ՝ «Ապա ուրեմն է զօրութիւն ինչ ծածուկ» (էջ 11): «Կէսք հրաժարեցին բնաւ ի խնդրելոյ, որպէս թէ ամենեին այնմ խնդրոյ չիք սպառուած» (էջ 22):

Գրաբար մատենագրութեան մեջ լայն կիրառութիւն ունեն նախադրութիւնները, որոնք հանդես են գալիս համադրական և վերլուծական ձևով: Այս տեսակետից բացառութիւն չի կազմում նաև Եղնիկի «Եղծ՝ աղանդոց» երկը: Դրանում զգալի տոկոս են կազմում նաև վերլուծական կառուցվածքի նախադրութիւնները (23 հատ): Դրանք են՝ առաւել քան, աւելի քան, արտաքին քան, արտաքին քան, առ ընթեր, բայց միայն, դէմ յանդիման, ի հանդէպ, ի մէջ, ի միջի, ի միջոյ, ի ներքոյ, ի ներքոյ քան, ի պէտս, ի սակս, ի վեր, ի վերայ, ի վերոյ, ի վեր քան, ի տեղ<sup>11</sup>, յառաջ քան, յառաջագոյն քան, նախ քան: Օրինակ՝ «Ամենայն կողք ի համազգեաց երիվարաց լծին, բայց միայն յայսց կառաց» (էջ 17): «Բարիոք է արեգակն... իբրեւ ճրագ մի ի մեծի տան ի մէջ ձեղուն և յատակի լուցեալ» (էջ 14): «Կարի անարժան գործ էր, և ի լուսնոյ ի վեր զամենայն ինչ անմահ համարել» (էջ 223): «Նախ քան զպատկերանալն և լինել կենդանի, անմասն էր ի շարեաց» (էջ 31):

<sup>11</sup> Ի դեպ, բառս Եղնիկի երկում գործածված է միայն մեկ անգամ և այն էլ՝ այդ ձևով («Տգէտ և անընտրող առաջնորդ... ի սիրոյ տեղ՝ ատելութիւն ցուցանէ», էջ 311):

Ինչպես մյուս տեսակի հարադրությունների (օրինակ՝ բայական), այնպես էլ վերլուծական նախադրությունների կազմության գործում ակտիվ դեր է խաղում ի նախդիրը, Եղնիկը դրանով կազմել է շուրջ մեկուկես տասնյակ նախադրություններ. ինչպես՝ ի մէջ, ի միջի, ի միջոյ, ի վերայ, ի սակս, ի անդ և այլն։ Նախադրությունների հարադրի դերում հանդես են գալիս նաև քան, ղիմ և այլ բաղադրիչներ. օրինակ՝ առանել քան, ղէմ յանդիման և այլն։

Եղնիկը գործածել է նաև հարադրական կազմությամբ գերանուններ, որոնց բանաբար հասնում է տասնհինգի։ Դրանք են՝ ամենայն ինչ, ամենայն ոք, այլ իմն, այլ ինչ, այլ ոք, այս ինչ, գինչ ինչ, իւրաքանչիւր ոք, մի ինչ, մի ոք, մի եւ նոյն, ոչ ինչ, ոչ ոք, ո ոք, ու ինչ։ Ազաթանգեղոսի. Բուզանդի և Կորյունի երկերում շենք հանդիպում այլ իմն, այս ինչ, մի ինչ, մի ոք, նոյն եւ մի վերլուծական կառուցվածքի դերանուններին<sup>12</sup>, իսկ ամենայն ոք դերանուն ավելի ջատ գործածել են Բուզանդն ու Ազաթանգեղոսը. համապատասխանաբար՝ 40 և 12, իսկ Եղնիկը՝ 1 անգամ (աջի զամենայն ոք ի բարուք ակնկալութենէ վրիպեցուցէ», էջ 105)։ Բերենք բնագրային մի երկու օրինակ. «Ուստի զամենայն ինչ, որ լինի շար, ոչ բնութեամբ շար գիտեմք» (էջ 50)։ «Անտի իւրաքանչիւր ոք իւրով արուեստիւ զնոյն դրօշէր» (էջ 206)։ «Ո ոք յերկուց որդոցն իմոց յառաջ առ իս հասցէ, զնա թագաւոր արարից» (էջ 115)։

Ածականին, թվականին և եղանակավորող բառերին պատկանող հարադրությունները Եղնիկի երկում ունեն շատ սահմանափակ կիրառություն։ Դրանց համապատասխանաբար հանդիպում ենք երկու, վեց և չորս անգամ։ Հարադրական կազմությամբ ածականներն են՝ ազգի ազգի, այլ եւ այլ. «Եւ այլքն ևս այլոց ազգի ազգի իրաց պատճառք լինին» (էջ 156)։ «Եւ երազոցն այլ եւ այլ պատճառք են» (էջ 177)։

Եղնիկն օգտագործել է քսան եւ ինն, հարիւր եւ քսան, ինն հարիւր եւ երեսուն, ինն հազար, երեսնասուն հազար, հարիւր երեսնասուն եւ հինգ հազար<sup>13</sup> հարադրական թվականները. «Տէրն արարածոց... այնպէս արկանէր զայր ի գեհեն զամենեսին, մինչեւ ցքսան և ինն գար» (էջ 246)։ «Յաւուրս Դաւթի՝ երեսնասուն հազար... զօրս եհար հրեշտակ Աստուծոյ» (էջ 151)։

«Եղծ աղանդոցում» գործածված հարադրական եղանակավորող բառերն են՝ մի՝ քէ, նա աւանիկ, նա աւասիկ, ո՞չ ապաքէն։ Օրինակ՝ «Մի՝ քէ զա՞յն ևս կարիցեն ասել՝ թէ մի եւ նոյն ասող մեծութեան և աղքատութեան կարէ պատճառք լինել» (էջ 161)։ «Նա աւասիկ տեսանեմք զբնութիւնսն միմեանց հակառակս» (էջ 33)։ «Անդ որ ի վեր յերկինս խաւար լինի, ուստի՞ իցէ. ո՞չ ապաքէն յայտ է՝ թէ ուրեք ծածկի ցայգ» (էջ 214)։

Եղնիկի երկում գործածված հարադրական բարդությունների ուսումնասիրությունից կարելի է անել հետևյալ եղրակացությունները.

1. «Եղծ աղանդոցում» հարադրությունները ջատ լայն կիրառություն ունեն։ Դրանց միջոցով արտահայտվել են իմաստային զանազան նրբերանգներ, և երկի լեզուն դարձել է ավելի հարուստ ու ճկուն։

<sup>12</sup> Վերջինիս մի եւ նոյն շարադասությամբ մեկ անգամ հանդիպում ենք Բուզանդի երկում («Քաւստոսի Բուզանդացոյ Պատմութիւն Հայոց», Ս. Պետերբուրգ, 1883, էջ 69)։

<sup>13</sup> Եղնիկի ձեռագրում (Մ. Մաշտոցի անվան Մատենադարան, ձեռ. № 1097) «հարիւր և ութսուն և հինգ հազար» է (տե՛ս նաև Եղնիկ Կողբացի, Եղծ աղանդոց, էջ 226, ծան. 282)։

2. Հարադրությունների կեսը բայեր են, որոնց միջոցով արտահայտվել են ինչպես իմաստային նորերանդներ, այնպես էլ իմաստներ, որոնց արահայտման համար չկան զուգահեռ համադրական ձևեր:

3. Հարադրական մակրայները գերակշռում են մակրայների մյուս ասակներին:

4. Ի տարրերություն պատմիչների երկերում դործածված անվանական հարադրությունների, որոնք հիմնականում հատուկ անուններ են (անձնանուններ կամ տեղանուններ), Եզնիկի երկում դործածված վեց տասնյակ անվանական հարադրությունները վերաբերում են Ասավածաշնչին, աստծուն, ընդդիմ, ընդդիմ չորս ասորերին և նման այլ հասկացությունների:

5. Հարադրական ստորագաստկան շաղկապները, որոնց միջոցով շաղկապվում են գլխավոր և երկրորդական նախադասությունները, գերակշռում են համադասականներին:

6. Մյուս խոսքի մասերին պատկանող հարադրությունները (գերանուն, ածական, թվական, նախադրություն, եղանակավորող բառեր) աչքի չեն ընկնում իրենց հաճախականությամբ: Բարձր հաճախականություն ունեն դրանց համադրական տեսակները:

7. Եզնիկի երկում կան շուրջ ութ ասորյա հարադրություններ, ինչպես՝ ազդեցություն բնական, ազատ առնել, գուն գործել, գալ ի քնին, անկանել ընդ մահուամբ, արբանեկություն հարկանել, ի գար հայել, կալ յակասառանի, չորեքին բնություն, պակասել ի կենաց, պաշտոն առնուլ, պաշտոն հարկանել, տարագիր լինել, փաշաման կրել և այլն, որոնց չենք հանդիպում գրաբարի դասական շրջանի ինքնուրույն մասենադրությա՞ն մյուս երկերում:

## УПОТРЕБЛЕНИЕ АНАЛИТИЧЕСКИХ СЛОВ В КНИГЕ ЕЗНИКА КОХБАЦИ «ОПРОВЕРЖЕНИЕ СЕКТ»

ГЕВОРК ТОСУНЯН

### Резюме

В книге армянского философа V в. Езника Кохбаци «Опровержение сект» использовано почти 500 аналитических слов, придающих своеобразие языку автора. Эти слова образованы по разным моделям и относятся к различным частям речи: существительным, прилагательным, числительным, местоимениям, глаголам, наречиям, союзам, предložным и модальным словам. С помощью аналитических слов выражаются различные смысловые оттенки. Кроме того, есть такие понятия, которые передаются только аналитическим способом, так как для них нет сопоставительных синонимов.

В книге Езника Кохбаци впервые употреблено более 80 аналитических слов, которые не встречаются в других произведениях оригинальной литературы классического периода габара.